

Laporan Penelitian Arkeologi di Kedah

oleh

MOHD. ZOKHI TAHIR*

I

Pengenalan

Pada 17 April akhbar *Utusan Malaysia* telah menyiarkan tentang penemuan dua binaan purba di Kampung Mambung Bawah daerah Sik. Ekoran daripada laporan tersebut saya dan Encik Ahmad Harun telah berbincang untuk pergi membuat penyelidikan awal terhadap jumpaan tersebut.

Pada 18 April 1990 kami telah bertolak ke destinasi yang dimaksudkan dengan menaiki kenderaan jabatan. Perjalanan ke kampung tersebut melalui jalan raya Gurun-Sik. Sepertimana yang dilaporkan oleh akhbar *Utusan Malaysia*, kampung tersebut terletak di dalam mukim Jeneri, maka kami telah singgah di balai Polis Jeniang untuk mendapatkan panduan ke kampung tersebut.

Difahami bahawa Kampung Mambung Bawah ini terletak dalam Kampung Mambung Kanan. Ini kerana kampung tersebut dipisahkan oleh Sungai Muda yang mengwujudkan Mambung Kiri dan Kanan. Oleh yang demikian untuk ke kampung tersebut kita hendaklah mengikut simpang jalan menuju ke Kalai dan Lubuk Merbau. Dari Kalai ke kampung tersebut lebih kurang 1.5 kilometer menuju ke Lubuk Merbau terdapat satu persimpangan masuk mengikut jalan tiada berturap tar (jalan kampung).

Kami telah sampai ke kampung tersebut lebih kurang pukul 10.15 pagi. Setelah mengenalkan diri masing-masing dengan beberapa orang penduduk kampung tersebut yang kebetulan berada di situ, barulah kami meminta mereka ini memberi penerangan untuk membantu kami membuat penyelidikan ini.

* Penulis ialah Pembantu Muzium di Jabatan Muzium dan Antikuiti Wilayah Utara.



Pelan Lokasi

Keadaan Tapak

Ketika kerja-kerja penyelidikan dibuat, didapati jumpaan tersebut ditemui tertanam di dalam tanah dan telahpun digali sedalam 122 sm. Tapak galian berbentuk bulat bujur dengan keluasan di bahagian baratnya 250 sm dan bahagian timurnya pula 210 sm. Pada bahagian dalam binaan tersebut telah digali satu lubang sedalam 216 sm ini mengikut keterangan yang diberikan oleh Encik Din Sui untuk mengelakkan daripada kanak-kanak bermain di dalamnya. Manakala di bahagian utaranya telah digali selebar 170 sm dan selatannya 330 sm.

Keadaan binaan tersebut pada masa ini terdedah pada hujan dan panas kerana tiada langkah-langkah pemuliharaan. Keadaan tapak di sebelah utara berbusut serta terdapat pokok-pokok buahan. Pada masa ini kerja-kerja penggalan telahpun dihentikan.

Keadaan Persekitaran

Tapak jumpaan terletak di belakang dapur rumah Encik Din Sui pada jarak 315 sm dari dinding rumah. Arah kebaratnya terdapat sebatang pokok besar pada jarak 340 sm iaitu lebih kurang 3 atau 4 rantai dari tebing Sungai Muda. Pada masa ini kedudukan sungai tersebut sudah agak jauh sedikit akibat hakisan dari tapak jika dibanding dengan masa tapak diguna. Arah ke timur pada jarak 340 sm terdapat perigi yang masih digunakan lagi. Kedudukan tapak dari paras air 845 sm mengikut paras air perigi tersebut.



Kesemua bahagian yang menunjukkan berlubang dipecahkan ketika kerja-kerja menggali oleh penduduk kampung.

Cara Temuan Ditemui dan Keadaannya

Mengikut keterangan yang diberikan oleh Encik Din Sui binaan tersebut ditemui atau dijumpai olehnya ketika beliau sedang melebarkan kawasan rumahnya. Beliau telah berusaha meratakan busut di belakang rumahnya itu. Ketika mencangkul beliau terasa terkena satu benda keras, dan beliau terus juga mencangkul menyebabkan bahagian atasnya pecah. Keadaan tanah di kawasan kampung ini ialah berpasir halus dan berdebu.

Kedudukan Tapak (938473 Shit 3367 Siri L 7030)

Nama Pemilik	:	Din A/K Din Mak
Mukim	:	Jeneri
Kampung	:	Mambung Kiri
Daerah	:	Sik
Pelan No.	:	17870
Sheet No.	:	117-D
Lot No.	:	2099
Geran No.	:	9593
Keluasan tanah	:	8 relong 0.42 jemba
Tanah	:	Tanah Simpanan Melayu

Sejarah Kampung Mambug Bawah

Kampung Mambug Bawah atau lebih dikenali dengan Kampung Mambug Kanan dahulunya dikenali dengan nama "Lubuk Bola" atau "Tung Wang Hin" dalam bahasa Thai.

Ketika dibuka atau diterokai ianya merupakan satu kawasan rimba buluh. Mengikut keterangan yang diberikan oleh Encik Edin Ron a/k Endin (76 tahun), beliaulah orang yang pertama meneroka kawasan tersebut hampir lima puluh tahun dahulu. Lubuk Bola atau Tung Wang Hin mengambil sempena nama lubuk pada Sungai Muda yang mengalir di kampung tersebut. Memandangkan di dalam sungai tersebut di mana lubuknya mempunyai satu ketul batu yang besar dan airnya berpusing maka masyarakat setempat telah memanggil nama kampung tersebut "Tung Wang Hin". Pada masa ini kampung tersebut didiami oleh sekelompok masyarakat Thai yang hidup dengan menjalankan kerja-kerja pertanian berkebun getah dan berdusun.

Kesimpulan

Semasa kaji selidik dibuat secara amnya binaan tersebut menyerupai sebuah tempat pembakaran atau gok (kiln). Oleh yang demikian satu kajian yang mendalam sewajarnya diberikan memandangkan jumpaan ini merupakan satu-satunya yang pernah ditemui di Kedah dan mungkin di Malaysia khususnya.

Penghargaan

Di sini ingin saya merakamkan ucapan terima kasih kepada mereka yang telah

membantu dan memberi maklumat kepada kami semasa kaji selidik ini dibuat.

1. Encik Din Sui a/k Din Proi - 53 tahun (pejumpa)
2. Encik Song Kit a/k Din Cak - Jurupandu dan jurubahasa
3. Encik Sin Nong a/k Aikelai - 27 tahun, penduduk
4. Encik Bakar bin Abdullah - 40 tahun, penduduk
5. Encik Din Nem a/k Din Mak - Penyimpan geran tanah dan peneroka pertama berumur 75 tahun.

II

Pada 7 November akhbar *Berita Harian* telah melaporkan tentang jumpaan yang diberi tajuk *Tempayan zaman Raja Bersiong* ditemui melalui ruangan Nasional.

Sehubungan dengan laporan tersebut dan dipersetujui oleh Ketua Unit, saya bersama dengan Encik Salleh Ahyari dan Encik Saari Osman telah bertolak ke lokasi yang dimaksudkan pada 10 November 1992. Sepertimana yang dilaporkan tapak jumpaan tersebut ditemui di Kampung Kuala Gading, Jeniang.

Langkah awal yang diambil ialah dengan mendapatkan peta topo bagi menentukan arah perjalanan. Ini ialah untuk memudahkan kerja-kerja yang akan dibuat nanti. Berpandukan peta topo Gurun Sheet 3367 siri L7030 kedudukan lokasi tapak tersebut dapat dipastikan. Dengan berpandukan panduan yang diberikan oleh beberapa orang penduduk di pekan Jeniang kami telah sampai ke tapak yang disebutkan.


Perjalanan untuk ke kampung ini mempunyai dua jalan kecil di belakang pekan tersebut. Pertama, dengan melalui jalan ke stesen bas dan keduanya melalui jalan di antara bangunan kedai dalam pekan tersebut pada jarak 2 kilometer dari jalan raya Jeniang-Sik.

Kedudukan Muka Bumi

Berpandukan peta topo Gurun sheet 3367 siri L7030 kedudukan Kampung Gading berada di grid 469936. Kampung ini terbahagi dua dipisahkan oleh Sungai Muda. Keadaan muka buminya yang berbukit-bukit di sebelah barat menyebabkan penduduknya tinggal secara berjajar di sepanjang tebing sungai.

Ketika penelitian dibuat muka bumi di sekitar tapak jumpaan berkeadaan berbusut-busut di mana kebanyakan busut-busut tersebut berukuran hampir 5 x 5 meter dan ketinggiannya antara 1 hingga dua meter. Ketinggian tanah dari paras air sungai pada masa ini dianggarkan lebih daripada 7 meter.

Boleh dikatakan secara keseluruhan kawasan penempatan di sepanjang tebing sungai tersebut tanahnya dari pasir halus dan arah ke barat menyeberangi mini tar ke Kampung Berona keadaan tanahnya bercampur dengan tanah liat dan merah. Ini disebabkan di kawasan ini merupakan kawasan berpayau di mana suatu ketika dahulu terdapat sebatang anak sungai di kaki bukit yang ditanami dengan



Pelan Tunjuk Arah ke Kampung Gading.

pokok getah.


Mengikut keterangan daripada Encik Wa Teh bin Awang Kecil pernah suatu ketika dahulu kawasan tanah yang bersempadan dengan tanah beliau diusahakan sebagai kawasan tanaman padi kemudiannya telah ditanam dengan pokok-pokok buah-buahan kerana padi tidak menjadi. Sehingga pada masa ini keseluruhan kawasan Kampung Gading ini dan kampung di sekitarnya di tanam dengan pokok buah-buahan seperti cempedak, rambutan dan durian.

Sejarah Kampung Gading

Menurut keterangan yang diberikan oleh Encik Mustafa bin Jusuh (62 tahun) Kampung Gading ini telah dibuka hampir 60-70 tahun yang lalu. Ini berdasarkan

cerita-cerita yang telah diceritakan oleh nenek beliau. Dari mana perkataan gading itu diperolehi tidaklah diketahui.

Keterangan ini diakui oleh Encik Wa Teh bin Awang Kecil (85 tahun). Beliau yang baru datang menetap di situ hampir 30 tahun yang lalu juga mengatakan nenek Encik Mustafa adalah orang yang pertama menetap di kampung tersebut ini berdasarkan pada tanah yang didiaminya pada masa ini yang bersempadan dengan tanah nenek Encik Mustafa. Ketika beliau datang meneroka tanah tersebut ianya masih lagi merupakan rimba yang ditumbuhi pokok besar



Kedudukan Tapak dari tiang rumah dan tebing sungai.

serta hutan-hutan buluh.

Berdasarkan Sejarah Kedah (Buyong Adil)¹ pada tahun Hijrah 634 ibu negeri Kedah pada masa itu terletak di Hulu Negeri dinamakan Kota Langkasuka, terletak dalam mukim Sik. Jarak dari Jeniang ke Sik ialah 8 kilometer. Ini juga membuktikan bahawa penggunaan jalan pada ketika itu ialah melalui Sungai Muda yang merentasi kampung tersebut. Disebut juga Kota Ok (dalam mukim Sik di daerah Sik). "Ok ialah bahasa Siam bererti buluh" (Buyong Adil)². Perpindahan ke kota ini oleh Maharaja Dewa I disebabkan ramainya penduduk luar negeri datang membuka kampung halaman di sini.

Sehingga ke hari ini terdapat sekelompok masyarakat Thai yang mendiami di Kampung Kalai dan Mambung Kanan. Mereka merupakan majoriti masyarakat di kawasan tersebut (jarak lebih kurang 4 kilometer arah ke utara barat).

Sementara itu Pengerusi Jawatankuasa Kemajuan dan Keselamatan Kampung Pekan Jeniang, Encik Hussain bin Abdullah juga berkata daerah Sik mempunyai beberapa tempat bersejarah dan legendanya seperti Kampung Gajah Putih dan Jeneri, Sok dan Kota Aur³. Tetapi tidak pun dinyatakan dari sudut mana sejarah tersebut hanya dikaitkan dengan Raja Bersiong. Ini kerana pandangan masyarakat umum apa sahaja bentuk yang ditemui mereka beranggapan zaman Raja Bersiong.

Buyong Adil juga ada menyebut di dalam buku *Sejarah Kedah* (para 4 dan 5 muka surat 3) selepas Maharaja Maha Dewa I ia diganti oleh puteranya Maha Kerma menjadi Raja Kedah dan baginda telah berpindah dari Kota Ok, Kota Arong-Arongan "Maharaka Karna Diraja mempunyai seorang putera yang bernama Maha Kerma dan seorang puteri bernama Maha Puteri. Pada masa itu orang-orang Siam, Ligor, Cina, Burma dan Pegu telah bertambah ramai datang membuat tempat kediaman di Kedah. Di antara mereka ada yang berniaga, bercucuk tanam dan ada yang membuat kelian (melombong bijih timah).

Tapak Jumpaan/Temuan

Jumpaan atau Temuan tersebut ditemui di dalam tanah pada paras 0.5 meter ini kerana disebabkan permukaan tanah tempat temuan tersebut merupakan busut yang terdapat di halaman rumah Encik Wa Teh bin Awang Kecil. Ketika kerja meratakan tanah tersebut beliau terdengar bunyi seperti tanah berongga di bawah, dan terus menggali. Satu parit galian telah dibuat sepanjang 3.10 sm dan dalam 265 sm. Hasil dari penggalian tersebut mereka menemui dapur atau relau. Malangnya pada bahagian selatan timur telah pecah dan runtuh.

Keterangan Tanah:

Pemohon	: Leha binti Ibrahim ⁴
Kad Pengenalan	: 3379537
Tanah permintaan	: Nombor permintaan PTKM(B) 1/25/1977
Luas	: 1 relong

1 Buyong Adil para 1 muka 2

2 _____, para 1 muka 3

3 *Berita Harian "Nasional"* 7 November 1992


4 Isteri kepada Wa Teh bin Awang Kecil.

Penelitian

Semasa penelitian dibuat didapati "Tempayan Zaman Raja Bersiong" yang dilaporkan di dalam akhbar adalah merupakan dapur/relau atau tempat membakar atau memasak sesuatu. Temubual dengan beberapa penduduk tempatan, mereka juga tidak dapat memastikan jenis dan tujuan kegiatan yang dilakukan pada masa dahulu sama ada ianya mempunyai kesinambungannya hingga ke hari ini.

Penelitian pada stratigrafi atau lapisan tanah pada dinding juga tidak menunjukkan perbezaan, hanya satu jenis tanah sahaja dari permukaan hingga ke paras kedalaman yang digali. Tanah dari jenis pasir halus (Kelabu kekuningan).

Ciri-ciri pembuatannya dibuat daripada tanah liat yang bercampur dengan tanah liat merah. Berbentuk seperti tempayan terbalik. Pada dinding bahagian




Kedudukan Tanah (Tapak)

luarnya warna tanah menyerupai seperti warna bata merah (bata dari jenis tanah liat), dan bahagian dalamnya berwarna kehitaman. Ini kerana bahagian dalam adalah bahagian yang terdedah pada api pembakaran.

Terdapat juga lapisan abu yang tidak bercampur dengan bahan-bahan lain pada bahagian paras terbawah berukuran ketebalan 4 sm. Lain-lain temuan di dalam dapur tersebut mahupun di sekitarnya tidak ditemui.

Kedadaan Dapur/Relau

Mengikut keterangan yang diberikan oleh Encik Wa Teh bin Awang Kecil ketika mereka menggali untuk melihat keseluruhan bentuknya bahagian selatan barat dapur tersebut telah runtuh. Ini berkemungkinan bahagian pintu atau lubang untuk memasukkan bahan pembakar. Dari penelitian yang dibuat didapati bahagian runtuh tersebut runtuh kecil di atas dan besar di bawah. Sebab-sebab runtuhannya berkemungkinan gegaran dari kerja-kerja menggali yang tidak secara berhati-hati. Semasa kajian ini dibuat didapati bahagian dinding timurnya sudah mulai retak.



Keluasan Parit Galian.

Ukuran Dapur/Relau

Tinggi	:	130 sm
Lilitan Bawah	:	250 sm
Lilitan Tengah	:	228 sm




Foto dari bahagian utara timur.





Foto menunjukkan parit galian.

luarnya warna tanah menyerupai seperti warna bata merah (bata dari jenis tanah
batu) dan bagian dalamnya berwarna hitam.



Kedudukan dapur dari bagian selatan barat.

Lilitan Leher : 157 sm
Tebal Dinding : 16 - 18 sm

Lain-lain

Seperti yang dilaporkan di dalam akhbar terdapatnya temuan berupa tahi besi sebenarnya ialah lapisan lumpur pasir halus yang digunakan untuk membuat dapur tersebut dan kebanyakannya ditemui di bawah lapisan abu.

Kesimpulan

Berdasarkan dua temuan yang telah ditemui di sekitar kawasan tersebut pertama pada tahun 1990 di Kampung Nambung Bawah 5 kilometer arah ke utara Kampung Gading adalah dipercayai satu aktiviti telah diusahakan oleh masyarakat setempat pada masa itu. Jika dilihat dari segi pembuatannya berkemungkinan Kampung Gading lebih awal ini disebabkan teknik pembuatannya berbeza di mana di Kampung Mambung dapurnya jenis kembar dan di Kampung Gading hanya satu atau sebuah.